



Broj: 02/1-04-247/20-AP-23  
Datum: 15.12.2020. godine

Na osnovu člana 13. Poslovnika o radu Privrednog savjeta Općine Zavidovići broj: 02-05-1818-AP-12 od 30.06.2017. godine, na 11. sjednici Privrednog savjeta Općine Zavidovići, koja je održana 15.12.2020. godine u Velikoj sali zgrade Općine Zavidovići sa početkom u 10:10 sati, sastavljam

### ZAPISNIK

Na sjednici Privrednog savjeta prisutni su: Sekretar općinskog organa državne službe Nermin Čahtarević – zamjenik općinskog načelnika, Džeraldina Miličević, Remzo Sinanović, Aldin Šušić, Sabahudin Horozović, Slađan Ilić, Mustafa Hasaković, Ramo Imamović i Nakib Vuković.

Na sjednici privrednog savjeta nisu prisutni: Mrahorović Kemal, Amir Omerašević, Enesa Bukvić, Benjamin Mujanović, Admir Bajraktarević i Denis Marušić.

Prisutni stručni saradnici Privrednog savjeta Općine Zavidovići: Almir Mustafić, Izet Bašić, Remzo Šogolj, Nadina Mehinagić – zamjena za Idriza Alihodžić, Midhat Bajramović i Amer Halilović.

Odsutni stručni saradnici Privrednog savjeta Općine Zavidovići: Amira Tadić.

Zapisnik će voditi Fatima Merdanović.

Konstatuje se da je na sjednici prisutno 9 članova Privrednog savjeta od ukupno 15 članova, od čega 3 člana iz ne javnog sektora.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta Općine Zavidovići, odnosno potrebno je prisustvo najmanje 8 članova.

Sekretar općinskog organa državne službe Nermin Čahtarević predlaže sljedeći dnevni red:

- 1) Pripreme za izradu Budžeta općine Zavidovići za 2021. godinu (Izvjestilac Amira Tadić),
- 2) Analiza Odluke o općinskim komunalnim taksama („Službeni glasnik Općine Zavidovići“, broj: 9/2017 i 9/2018) i mogućnost snižavanja komunalnih taksi (Izvjestilac Džeraldina Miličević),
- 3) Analiza Odluke o zauzimanju javnih površina („Službeni glasnik Općine Zavidovići“, broj: 8/2017, 4/2018 i 6/2019) i mogućnost snižavanja naknade za zauzimanje javnih površina (Izvjestilac Izet Bašić),
- 4) Analiza Odluke o administrativnim taksama Općine Zavidovići („Službeni glasnik Općine Zavidovići“, broj: 7/2017 i 6/2020) i mogućnost snižavanja naknade o administrativnim taksama Općine Zavidovići (Izvjestilac Idriz Alihodžić),

- 5) Analiza Odluke o utvrđivanju vrijednosti boda komunalne naknade u općini Zavidovići („Službeni glasnik Općine Zavidovići“, broj: 11/2009) i mogućnost snižavanja vrijednosti boda (Izvjestilac Izet Bašić),
- 6) Analiza Odluke o utvrđivanju jedinstvenog Cjenovnika komunalnih usluga i način plaćanja Komunalnih usluga JKP „Radnik“ d.o.o. Zavidovići („Službeni glasnik Općine Zavidovići“, broj: 12/13, 8/15, 10/15 i 11/19) i mogućnost snižavanja cijena sa analizom kvaliteta komunalnih usluga (Izvjestilac Izet Bašić i Amer Halilović),
- 7) Odluka o naknadi za vatrogastvo („Službeni glasnik Općine Zavidovići“, broj: 4/2013) i mogućnost snižavanja vrijednosti boda (Izvjestilac Remzo Šogolj),
- 8) Pripreme za izradu Prijedloga odluke o utvrđivanju prosječne konačne građevinske cijene m<sup>2</sup> korisne stambene površine na području općine Zavidovići za 2021. godinu sa analizom uticaja na visinu naknade za prirodnu pogodnost zemljišta i naknadu za uređenje građevinskog zemljišta prilikom izdavanja odobrenja za građenje (Izvjestilac Remzo Sinanović),
- 9) Analiza dodjele poticaja privrede na području općine Zavidovići za 2020. godinu (Izvjestilac Džeraldina Miličević),
- 10) Izvještaj o dodjeli poticaja u poljoprivredi na području općine Zavidovići za 2020. godinu (Izvjestilac Izet Bašić),
- 11) Izvještaj o izvršenju Budžeta općine Zavidovići za period 01.01.–30.09.2020. godine (Izvjestilac Amira Tadić),
- 12) Nacrt obavještenja o namjeri objavljivanja poticaja sa osnovnim informacijama (Izvjestilac Džeraldina Miličević),
- 13) Informacija o poticaju zapošljavanja boračke populacije na području općine Zavidovići za 2020. godinu (Izvjestilac Midhat Bajramović),
- 14) Razno.

Dnevni red se stavlja na diskusiju i pozivaju se članovi Privrednog savjeta da predlože izmjenu ili dopunu predloženog dnevnog reda.

Dnevni red se usvaja jednoglasno, bez izmjena i dopuna i prelazi se na rad po istom.

Sekretar općinskog organa državne službe Nermin Čahtarević daje riječ izvjestiocu po prvoj tački dnevnog reda.

#### 1. tačka dnevnog reda Pripreme za izradu Budžeta općine Zavidovići za 2021. godinu

Izvjestilac Džeraldina Miličević: Iznosi pojašnjenja i dodatne informacije po ovoj tački dnevnog reda. Navodi da je ovo radna verzija koja će pretrpiti značajne promjene, te da se nije odstupilo od glavne suštine pri izradi Budžeta.

Nakon izlaganja izvjestioca Sekretar općinskog organa državne službe Nermin Čahtarević otvara diskusiju po ovoj tački dnevnog reda.

U diskusiju su se uključili: Nakib Vuković, Nermin Čahtarević, Almir Mustafić i Džeraldina Miličević.

- Nakib Vuković: Postavlja pitanje upisivanja 2020. godine, a radi se o Budžetu za 2021. godinu.

- Džeraldina Miličević: U pitanju je tehnička greška koja će se ispraviti.

- Nermin Čahtarević: Bitno je mišljenje Privrednog savjeta zbog izrade budžeta.

- Almir Mustafić: Nacrt budžeta nije napustio zgradu Općine i prvo ga razmatra Privredni savjet, a potom će ga razmatrati Kolegij općinskog načelnika.

Zaključak: Privredni savjet prihvata radnu verziju Budžeta općine Zavidovići za 2021. godinu.

Privredni savjet podržava visinu planiranih sredstava za 2021. godinu za namjenu razvoja privrede i poljoprivrede na području općine Zavidovići

Privredni savjet će učestvovati u javnoj raspravi po pitanju Nacrta Budžeta općine Zavidovići za 2021. godinu kad bude javna rasprava organizovana.

Zaključak je jednoglasno usvojen.

2. tačka dnevnog reda Analiza Odluke o općinskim komunalnim taksama („Službeni glasnik Općine Zavidovići“, broj: 9/2017 i 9/2018) i mogućnost snižavanja komunalnih taksi

Izvjestilac Džeraldina Miličević: Iznosi pojašnjenja i dodatne informacije po ovoj tački dnevnog reda. Urađene su značajne korekcije. Drugi set korekcija je nastao kao posljedica inicijativa Općinskog vijeća Zavidovići. Naša Općina ima najpovoljniju visinu takse, tako da nema mjesta za daljim snižavanjem. U ovoj godini se išlo sa refundacijom komunalne takse kako bi se na taj način ublažile posljedice pandemije COVID-a. Ako se insistira na daljem snižavanju komunalne takse, može se sniziti ali to će biti udar na Budžet i aktivnosti koje se finansiraju iz ovih sredstava.

Nakon izlaganja izvjestioca Sekretar općinskog organa državne službe Nermin Čahtarević otvara diskusiju po ovoj tački dnevnog reda.

U diskusiju su se uključili: Ramo Imamović, Džeraldina Miličević, Nermin Čahtarević, Almir Mustafić, Nakib Vuković.

- Ramo Imamović: Traži informaciju za član 12. Odluke.

- Džeraldina Miličević: Ova Odluka je pod lupom. Usaglašena je sa presudom Ustavnog suda. Uplate ubire Porezna uprava. Općina nema uvid za koju vrstu naknade se uplaćuje. Može se tražiti upit od Porezne uprave.

- Almir Mustafić: Posljedica izmjena odluke je usaglašavanje sa presudom Ustavnog suda donesenih po apelacijama kladionica.

- Nakib Vuković: Traži pojašnjenje strana 2. i 9. Odluke.

- Nermin Čahtarević: Iznos takse za istaknutu firmu je jedinstven za sve djelatnosti. Usklađeno je sa drugim općinama, takseni osnovi su različiti.

Zaključak: Privredni savjet utvrđuje da nema mogućnosti snižavanja komunalne takse propisane Odluke o općinskim komunalnim taksama („Službeni glasnik Općine Zavidovići“, broj: 9/2017 i 9/2018).

Zaključak je usvojen sa 8 glasova ZA i 1 PROTIV.

3. tačka dnevnog reda Analiza Odluke o zauzimanju javnih površina („Službeni glasnik Općine Zavidovići“, broj: 8/2017, 4/2018 i 6/2019) i mogućnost snižavanja naknade za zauzimanje javnih površina

Izvjestilac Izet Bašić: Iznosi pojašnjenja i dodatne informacije po ovoj tački dnevnog reda. Odluka je imala par izmjena. Ono što se nalazi na javnim površinama a nije građevinski objekat postoji mogućnost da se javne površine daju na korištenje a sve u skladu sa planom koji Vijeće usvaja. O samim efektima izmjene ove Odluke nema potrebe da se ona mijenja.

Nakon izlaganja izvjestioca Sekretar općinskog organa državne službe Nermin Čahtarević otvara diskusiju po ovoj tački dnevnog reda.

U diskusiju su se uključili: Nakib Vuković, Nermin Čahtarević i Izet Bašić.

- Nakib Vuković: Postoje različite djelatnosti, kada je u pitanju član 21. iznos treba smanjiti da pokažemo neku drugu osjetljivost.

- Nermin Čahtarević: Prijedlog će se razmotriti.

- Nakib Vuković: Ima raznih djelatnosti, od kojih npr.: član 21. naknada u svrhu zabave za djecu da su iznosi prilično veliki, prijedlog je da se taj iznos smanji i da bude samo simboličan.

Sekretar općinskog organa državne službe Nermin Čahtarević predlaže da se izjasni po prijedlogu.

Prijedlog prihvaćen sa 8 glasova ZA i 1 PROTIV.

Zaključak: Privredni savjet predlaže da se izvrši izmjena Odluke o zauzimanju javnih površina („Službeni glasnik Općine Zavidovići“, broj: 8/2017, 4/2018 i 6/2019) na način da se u članu 21. Odluke smanje propisane naknade.

Zaključak je usvojen sa 8 glasova ZA i 1 PROTIV.

4. tačka dnevnog reda Analiza Odluke o administrativnim taksama Općine Zavidovići („Službeni glasnik Općine Zavidovići“, broj: 7/2017 i 6/2020) i mogućnost snižavanja naknade o administrativnim taksama Općine Zavidovići

Izvjestilac Nadina Mehinagić: Iznosi pojašnjenja i dodatne informacije po ovoj tački dnevnog reda. Izvršena je promjena cjenovnika početkom godine, usmeno je rečeno da se ide na još neke izmjene. Privredni savjet bi se pismeno trebao obratiti Službi za upravu ekonomskih poslova i poduzetništvo i to bi dalje išlo u proceduru.

Nakon izlaganja izvjestioca Sekretar općinskog organa državne službe Nermin Čahtarević otvara diskusiju po ovoj tački dnevnog reda.

U diskusiju su se uključili: Remzo Sinanović, Džeraldina Miličević, Nakib Vuković, Nermin Čahtarević i Izet Bašić.

- Remzo Sinanović: Rashodi su veći, a prihodi manji. Trebamo biti malo fleksibilniji. Smatra da nije trebalo toliko smanjiti takse.

- Džeraldina Miličević: Tokom zabrane djelatnosti održan je sastanak sa Općinskim načelnikom i tražena je pomoć, a jedna od tačaka je bila i sniženje takse. Istina jeste da se oni prečesto ne ovjeravaju. Traženo je i da se uskladi sa drugim Općinama.

- Nakib Vuković: U svijetu je smanjenje parafiskalnih nameta, svi traže kako da se pomogne. Što se tiče punjenja Budžeta da se rad na crno smanji i da se troškovi posebno koji nisu neophodni smanje.

- Remzo Sinanović: Treba se vidjeti i koliki je Budžet u općinama u susjedstvu i da vidimo s čim oni rade.

- Džeraldina Miličević: Npr.: Žepče raspolaže sa 42 miliona prometa dok Zavidovići sa 21 milionom prometa.

Zaključak: Privredni savjet predlaže da se izvrši izmjena Tarife općinskih administrativnih taksi u tarifnom broju 6.8. propisane Odlukom o administrativnim taksama Općine Zavidovići („Službeni glasnik Općine Zavidovići“, broj: 7/2017 i 6/2020), te da se za ovjeru normativa u gostiteljskim objektima plaća taksa u izosu 5,00 KM.

Zaključak je usvojen sa 8 glasova ZA i 1 PROTIV.

5. tačka dnevnog reda Analiza Odluke o utvrđivanju vrijednosti boda komunalne naknade u općini Zavidovići („Službeni glasnik Općine Zavidovići“, broj: 11/2009) i mogućnost snižavanja vrijednosti boda

Izvjestilac Izet Bašić: Iznosi pojašnjenja i dodatne informacije po ovoj tački dnevnog reda. Odluka je imala par izmjena. Komunalne naknade se naplaćuju, podijeljeno je po zonama. Ostala je naknada i vrijednost boda na 004. Na sve koji su vlasnici objekta ova odluka se odnosi, od nje zavisi kako će izgledati grad koliko će se sredstava prikupiti od ove Odluke.

Nakon izlaganja izvjestioca Sekretar općinskog organa državne službe Nermin Čahtarević otvara diskusiju po ovoj tački dnevnog reda.

U diskusiju su se uključili: Remzo Sinanović i Nakib Vuković.

- Remzo Sinanović: Ova djelatnost se može finansirati od PDV-a. Dodao je da smo grad na tri rijeke, da ne rade fontane i druge stvari koje bi trebalo isfinansirati.

- Nakib Vuković: Smatra da ne treba mijenjat Odluku. Sredstva su nedostatna da se sve to isfinansira.

Zaključak: Privredni savjet predlaže da se zadrži vrijednost boda za obračun komunalne naknade za 2021. godinu propisane Odluke o utvrđivanju vrijednosti boda komunalne naknade u općini Zavidovići („Službeni glasnik Općine Zavidovići“, broj: 11/2009), jer sredstva prikupljena od komunalne naknade nisu dovoljna za finansiranje djelatnosti zajedničke komunalne potrošnje.

Privredni savjet traži da se za sljedeću sjednicu pripremi analiza visine vrijednosti boda komunalne naknade za sve općine i gradove u Zeničko-dobojskom kantonu.

Zaključak je jednoglasno usvojen.

6. tačka dnevnog reda Analiza Odluke o utvrđivanju jedinstvenog Cjenovnika komunalnih usluga i način plaćanja Komunalnih usluga JKP „Radnik“ d.o.o. Zavidovići („Službeni glasnik Općine Zavidovići“, broj: 12/13, 8/15,10/15 i 11/19) i mogućnost snižavanja cijena sa analizom kvaliteta komunalnih usluga

Sekretar općinskog organa državne službe Nermin Čahtarević traži da se izvjestilac izjasni o cijenama i kvalitetu komunalnih usluga.

Izvjestilac Amer Halilović: Iznosi pojašnjenja i dodatne informacije po ovoj tački dnevnog reda. Kada je u pitanju jedinstveni Cjenovnik komunalnih usluga koji se veže za osnovu je iz 2013. godine. Do 2019. godine ništa nije promijenjeno, samo je dodano 2015. godine vezano za pijacu. Po zakonu je propisano da se svake dvije godine razmatra analiza cjenovnika. Kada je u pitanju vodosnabdijevanje 1999. godine donesena je zadnja odluka o promjeni cijena. Cijena se nije promijenila već 20 godina. Grijanje je na zadovoljavajućem nivou. Oko 200 stanova se zagrijava. Cijena je zadovoljavajuća, nisu u gubitku. Cijena uglja se povećava ali je sve izbalansirano. Za smeće je cijena promijenjena 2019. godine, sada ide izmirenje troškova bez rebalansa Budžeta.

Nakon izlaganja izvjestioca Sekretar općinskog organa državne službe Nermin Čahtarević otvara diskusiju po ovoj tački dnevnog reda.



U diskusiju su se uključili: Remzo Sinanović, Nakib Vuković, Mustafa Hasaković, Amer Halilović, Slađan Ilić Izet Bašić i Nermin Čahtarević.

- Remzo Sinanović: Smatra da su cijene niske i da to građani ne gledaju tako. Direktor nije spomenuo da se smanje cijene otpada. Postoji Zaključak OV. Predlaže da se poveća cijena vode i grijanja. Smatra da se trebaju povećati cijene. Ukidanje kontejnera nije rješenje.

- Nakib Vuković: Imamo dva pristupa, jedan je Budžetski, ali je tu kao predstavnik privrednog sektora. Povećanje nije rješenje. Sve takse koje se unaprijed plaćaju ne zna se kome ide u prilog. Mora se pristupiti boljoj organizaciji.

- Mustafa Hasaković: Vezano za uklanjanje kontejnera, smeće se baca u rijeke. Lijepo je što su se regulisali i kontejneri i vreće, ali se sve treba dovesti ured. Od povećanja cijena se ništa neće dobiti. Cijena vode treba da prati i usluge. Navodi primjer, priključak vode.

- Remzo Šogolj: Traži riječ.

- Nermin Čahtarević: Skreće pažnju Remzi Šogolju da se nema pravo uključiti u diskusiju, s obzirom da nije član Privrednog savjeta, već da je prisutan u svojstvu Izvjestioca po 7. tački dnevnog reda: Odluka o naknadi za vatrogastvo („Službeni glasnik Općine Zavidovići“, broj: 4/2013) i mogućnost snižavanja vrijednosti boda.

Na navedenu konstataciju Remzo Šogolj reaguje neslaganjem i napušta sjednicu Privrednog savjeta u 11:15 sati.

Prisutnima je upućeno izvinjenje zbog negodovanja Remze Šogolja.

- Amer Halilović: Ističe da nije neke stvari iznio što se tiče odvoza otpada. Od ulaza u Općinu iz Maglaja i Žepča građani se pridržavaju. Iz ruralnih područja otpad se odvozi jednom sedmično. Imamo velike efekte kada je u pitanju odvoz otpada.

Kada je u pitanju voda treba se pratiti cjevovod i program održavanja. Za održavanje trebaju finansijska sredstva. Ima veliki broj krađe vode jer veliki broj vodovoda nije radilo Javno komunalno preduzeće. Svake dvije godine se usaglašava Cjenovnik. Dio sredstava se može namiriti iz sredstava koje finansiraju druge organizacije. Kada se ovo sve sagleda dovoljan je pokazatelj za revidiranje cijena.

- Izet Bašić: Direktor je i kazao da se pripremi analiza Cjenovnika, što može biti jedan od zaključaka.

- Slađan Ilić: Smatra da nije pogodan trenutak za povećanje cijena.

- Nermin Čahtarević: Analizirao dosadašnje zaključke Privrednog savjeta, i smatra da je najviše zamjerki bilo paušalno naplaćivanje otpada. To su bili raniji zaključci. Postavlja pitanje o paušalnom obračunu smeća, da se obračunava po kvadratu.

- Amer Halilović: Kada je u pitanju naplaćivanje otpada po kvadratu, do 500 m<sup>2</sup> ide paušal koji je povoljniji. Postoje firme i preduzeća koje pune javne kontejnere a ne privatne. Većina njih koji imaju kvadraturu ostali su i niko nije promijenio ugovor jer se po paušalu kontejneri prazne dva puta, a svako sljedeće se skuplje naplaćuje. Cilj je smanjiti količinu otpada.

- Slađan Ilić: Ista je potrošnja po svakom odvozu otpada.

- Nermin Čahtarević: Formira prijedlog:

– Ko je za povećanje cijene vode? –

Prijedlog nije prihvaćen sa 8 glasova PROTIV i 1 ZA.

Zaključak: Privredni savjet ne prihvata povećanje cijena komunalnih usluga na području općine Zavidovići.

Privredni savjet predlaže da JKP „Radnik“ d.o.o. Zavidovići revidira Cjenovnik komunalnih usluga u toku 2021. godine.

Kvalitet komunalnih usluga koje se pružaju na području općine Zavidovići je na zadovoljavajućem nivou.

Zaključak je usvojen sa 8 glasova ZA i 1 PROTIV.

7. tačka dnevnog reda Odluka o naknadi za vatrogastvo („Službeni glasnik Općine Zavidovići“, broj: 4/2013) i mogućnost snižavanja vrijednosti boda

Članovi Privrednog savjeta su predložili da se ova tačka skine s dnevnog reda zbog ne prisustva Izvjestioca po ovoj tački dnevnog reda.

8. tačka dnevnog reda Pripreme za izradu Prijedloga odluke o utvrđivanju prosječne konačne građevinske cijene m<sup>2</sup> korisne stambene površine na području općine Zavidovići za 2021. godinu sa analizom uticaja na visinu naknade za prirodnu pogodnost zemljišta i naknadu za uređenje građevinskog zemljišta prilikom izdavanja odobrenja za građenje

Izvjestilac Remzo Sinanović: Iznosi pojašnjenja i dodatne informacije po ovoj tački dnevnog reda. Pripremljen dopis u skladu sa Zakonom kojim se traži od građevinskih firmi podatak o prosječnoj građevinskoj cijeni m<sup>2</sup> korisne stambene površine na području općine Zavidovići. Za sada građevinske firme nisu dostavile traženi podataka, kao što je to bilo i u prethodnim godinama, tako da se zadržavala cijena iz prethodnih godina. Na taj način će cijene predložiti Općinskom vijeću i budu prihvaćene. Povećanjem ove cijene uzrokovalo bi povećanjem naknade za uređenje zemljišta i naknade i prirodnu pogodnost koja se plaća prilikom izdavanja građevinskih dozvola u urbanom dijelu općine Zavidovići.

Nakon izlaganja izvjestioca Sekretar općinskog organa državne službe Nermin Čahtarević otvara diskusiju po ovoj tački dnevnog reda.

Po ovoj tački dnevnog reda nije bilo diskusije.

Zaključak: Privredni savjet prihvata Informaciju o utvrđivanju Prijedloga odluke o utvrđivanju prosječne konačne građevinske cijene m<sup>2</sup> korisne stambene površine na području općine Zavidovići za 2021. godinu sa analizom uticaja na visinu naknade za prirodnu pogodnost zemljišta i naknadu za uređenje građevinskog zemljišta prilikom izdavanja odobrenja za građenje.

Privredni savjet predlaže da se zadrži 548,00 KM kao prosječna konačna građevinska cijena m<sup>2</sup> korisne stambene površine na području općine Zavidovići za 2021. godinu.

Zaključak je jednoglasno usvojen.

9. tačka dnevnog reda Analiza dodjele poticaja privrede na području općine Zavidovići za 2020. godinu

Izvjestilac Džeraldina Miličević: Iznosi pojašnjenja i dodatne informacije po ovoj tački dnevnog reda. Bitno je napomenuti da je poziv bio dostupan svima. Ranijih godina Služba je i lično pozivala. Prve godine bilo je malo prijavljenih, od 2017. godine ide nabolje. Analizom je utvrđeno da fizička lica ili mali subjekti posluju gotovinom i time ne ispunjavaju uslove za poticaje. Nada se uspješnoj saradnji. Smatra da ne bi bilo loše da se članovi izjasne o poticaju ili da se predloži uvođenje novih.

Nakon izlaganja izvjestioca Sekretar općinskog organa državne službe Nermin Čahtarević otvara diskusiju po ovoj tački dnevnog reda.

U diskusiju su se uključili: Slađan Ilić, Mustafa Hasaković, Sabahudin Horozović, Nakib Vuković i Džeraldina Miličević.

- Slađan Ilić: Ima novih inicijativa ukoliko bi se moglo doprinijeti.

- Mustafa Hasaković: Postavlja pitanje start up poticaja, s obzirom da svi ne mogu proći na kantonalnom i federalnom nivou, ukoliko ostane novca da se finansira start up od strane Općine.
- Sabahudin Horozović: Smatra da mjere nisu dobre jer se sredstva ne utroše. Doprinosimo imamo i sa viših nivoa. Za start up poticaje ne može Biro udovoljiti svim zahtjevima. Imaju više zahtjeva nego sredstava. Prijave se vrše 2-3 dana. Na zavodu bude oko 50 prijava. Svake godine sve više njih želi otvoriti obrt. Smatra da je potrebno uvesti mogućnost za start up preduzeća da bude otvoreno cijelu godinu. Neki ne mogu dobiti sredstva i odustanu. Većini trebaju ta poticajna sredstva koja ne mogu dobiti. Predlaže da se uvede mjera za start up s obzirom da ostaje sredstava. Refundiranje troškova je 25% zašto se ne poveća na 70%.
- Mustafa Hasaković: Kada su u pitanju start up poticaji ima mogućnost da se utroši.
- Slađan Ilić: Većina otvara radnje na radnike, i tako ubiru poticaje.
- Nakib Vuković: Treba da se uvede član da se novac preraspodijeli na druge poticaje ukoliko se ne utroši. Treba osmisliti kriterije.
- Džeraldina Miličević: Vezano za start up postoje problemi koji nisu riješeni. Što se tiče sredstava ne zna se koliko će se prijaviti start up, ne može se čekati kraj godine da se na njih raspodjele sredstva. To su sve bile dileme. Razmišljalo se i o varijanti da se uveća fond. Na nekoliko nivoa se potiče start up, 8 hiljada KM se dodjeljuje za samozapošljavanje.

Zaključak: Privredni savjet prihvata Analizu dodjele poticaja privrede na području općine Zavidovići za 2020. godinu.

Privredni savjet predlaže da se tokom 2021. godine razmotri mogućnost uvođenja poticaja za „Start up“ preduzeća.

Privredni savjet predlaže da se raspoloživa sredstva koja se ne utroše za ovu namjenu koriste na način da se povećaju procenti poticaja na već dodijeljene poticaje.

Zaključak je jednoglasno usvojen.

10. tačka dnevnog reda Izvještaj o dodjeli poticaja u poljoprivredi na području općine Zavidovići za 2020.

Izvjestilac Izet Bašić: Iznosi pojašnjenja i dodatne informacije po ovoj tački dnevnog reda. Svake godine su predviđena sredstva u okviru preporuka za razvoj poljoprivrednicima. Time su se postigli određeni efekti. Povukla su se sredstva sa višeg nivoa. Prisutna su dva projekta i to proljetna sjetva i plastenička proizvodnja.

Nakon izlaganja izvjestioca Sekretar općinskog organa državne službe Nermin Čahtarević otvara diskusiju po ovoj tački dnevnog reda.

U diskusiju su se uključili: Nakib Vuković, Slađan Ilić i Izet Bašić.

- Nakib Vuković: Postavlja pitanje za spiskove, koji su se trebali nalaziti u materijalu.
- Slađan Ilić: Spiskovi su objavljeni putem web stranice i facebook stranice Općine Zavidovići, redovno. Upućuje pohvale za transparentnost.
- Nakib Vuković: Postavlja pitanje da li se poticaji koji su dodijeljeni kontrolišu.
- Izet Bašić: Kontrolišu se.
- Nakib Vuković: Postavlja pitanje da li se mogu dobiti poticaji ako nisi registrovan.
- Izet Bašić: Poticaji se ne mogu ostvariti ako nisi registrovan u Registru poljoprivrednih gazdinstava, a izuzetak su bili poticaji u proljeće zbog pandemije COVID-a radi povećanja poljoprivredne sjetve.



Zaključak: Privredni savjet prihvata Izvještaj o dodjeli poticaja u poljoprivredi na području općine Zavidovići za 2020. godinu.

Zadužuje se Služba za upravu poljoprivrede, vodoprivrede i komunalnih poslova da dostavi članovima Privrednog savjeta spisak lica kojima su dodjeljeni poticaji u poljoprivrednoj proizvodnji.

Zaključak je jednoglasno usvojen.

11. tačka dnevnog reda Izvještaj o izvršenju Budžeta općine Zavidovići za period 01.01.–30.09.2020. godine

Izjavitelj Džeraldina Miličević: Iznosi pojašnjenja i dodatne informacije po ovoj tački dnevnog reda. Govori o izvršenju Budžeta, o rashodima i prihodima. Navodi da će stvarne obaveze biti prikazane u IV kvartalu.

Nakon izlaganja izvjestioca Sekretar općinskog organa državne službe Nermin Čahtarević otvara diskusiju po ovoj tački dnevnog reda.

Po ovoj tački dnevnog reda nije bilo diskusije.

Zaključak: Privredni savjet prihvata Izvještaj o izvršenju Budžeta općine Zavidovići za period 01.01.–30.09.2020. godine.

Zaključak je jednoglasno usvojen.

12. tačka dnevnog reda Nacrt obavještenja o namjeri objavljivanja poticaja sa osnovnim informacijama

Izjavitelj Džeraldina Miličević: Iznosi pojašnjenja i dodatne informacije po ovoj tački dnevnog reda. Navodi da su u principu ostale iste vrste poticaja, osim za refundaciju za prvo zapošljavanje, i druga bitna stvar da se uvećava broj zaposlenih ali ne drastično. Smatra da bi trebalo povećati sve ove iznose.

Nakon izlaganja izvjestioca Sekretar općinskog organa državne službe Nermin Čahtarević otvara diskusiju po ovoj tački dnevnog reda.

U diskusiju su se uključili Nakib Vuković i Džeraldina Miličević.

- Nakib Vuković: Predlže ukoliko bude više zahtjeva od jedne osobe da se ne daje istima na nekoliko osnova.

- Džeraldina Miličević: Ističe da je to već regulisano, da jedna osoba ne može dobiti poticaj više od dva osnova.

Zaključak: Privredni savjet prihvata Nacrt obavještenja o namjeri objavljivanja poticaja sa osnovnim informacijama.

Zaključak je jednoglasno usvojen.

13. tačka dnevnog reda Informacija o poticaju zapošljavanja boračke populacije na području općine Zavidovići za 2020. godinu

Izjavitelj Midhat Bajramović: Iznosi pojašnjenja i dodatne informacije po ovoj tački dnevnog reda. Govori se o sredstvima koje Općina može usmjeriti prema svojim građanima. Projekt koji se provodi predviđa da se sredstva vraćaju ukoliko poslodavac otpusti radnika. Ministarstvo je zamislilo da se uveže staž demobilisanim borcima.

Nakon izlaganja izvjestioca Sekretar općinskog organa državne službe Nermin Čahtarević otvara diskusiju po ovoj tački dnevnog reda.

Po ovoj tački dnevnog reda nije bilo diskusije.

Zaključak: Privredni savjet prima na znanje Informaciju o poticaju zapošljavanja boračke populacije na području općine Zavidovići.

Zaključak je jednoglasno usvojen.

#### 14. tačka dnevnog reda Razno

U diskusiju su se uključili: Džeraldina Miličević, Remzo Sinanović i Nermin Čahtarević.

- Džeraldina Miličević: Napominje, da su svi koji se prijave za start up poticaj oslobođeni plaćanja takse za registraciju.

- Remzo Sinanović: Smatra da Općinsko vijeće treba imati privredni savjet – jer se na vijeću donose odluke.

- Džeraldina Miličević: Smatra da je rad Privrednog savjeta ozbiljan. Osnivanje Privrednog savjeta je bio jedan od uslova dobivanja BFC sertifikata. Što se tiče zaključaka Privrednog savjeta svi zaključci se prate i dostavljaju informacije o realizaciji zaključaka. Kada je u pitanju promjena nadležnosti ovog tijela nije dobro unositi politiku. Privredni savjet je jedno operativno tijelo.

- Nermin Čahtarević: U načelnikovom Izvještaju o radu prikazan je rad Privrednog savjeta.

Sjednica Privrednog savjeta završena u 12.25 sati.

ZAPISNIK SAČINILA

---

Fatima Merdanović

ZAPISNIK OVJERAVA PREDSDJEDNIK  
PRIVREDNOG SAVJETA

---

Dr. sci. Hašim Mujanović